



## Devisão Relações Públicas, Comunicação e Educação Cívica

### **Agenda Nº 48/III (1)**

#### **Reuniau Plenária Extraordinaria Quarta-feira, 06 de Fevereiro de 2013**

Sesaun Plenária Extraordinaria ba loron ohin nian, prezide husi Presidente Parlamento Nacional Sr. Vicente da Silva Guterres hamutuk ho I<sup>o</sup> Vice Presidente Sr. Adriano do Nascimento, II<sup>o</sup> Vice Presidente Sr. Aderito Hugo da Costa, Secretária Mezaa Sra. Maria Fernanda Lay, I<sup>o</sup> Vice-Secretária Meza Sra. dep. Angelina de Jesus Machado no II<sup>o</sup> Vice Secretária Meza Sra. dep. Angela Maria Corvelo Sarmento.

Plenária Extraordinaria ohin nian, participa mos husi Primeiro Ministro Sr. Kay Rala Xanana Gusmão, Vice Primeiro Ministro Sr. Fernando La Sama de Araújo no membru V Governo no partispa mos Presidente Partido FRETILIN no eis-Presidente Parlamento Nasional Sr. Francisco Guterres Lu Olo no eis-deputadu Sr. Manuel Tilman.

#### **Periodo Ordem do Dia ho ajenda únika:**

Diskusaun ba jeneralidade Proposta de Lei n. 2/III (1) kona ba “Orsamentu Geral do Estado da República Democrática de Timor Leste 2013”

Presidente konvida Primeiro Ministro Sr. Kay Rala Xanana Gusmão hodi responde ba pergunta no rekomendasaun sira nebe mai husi Señor deputadu sira nebe hato’o iha Plenaria Terça-feira, 05 de Fevereiro de 2013.

Primeiro Ministru Sr. Kay Rala Xanana Gusmão, hato’o katak Governo halo intervensaun ba merkadu hodi halo kontrole no inspeksaun atu nune’e publiku bele hatene sasan folin. Governo fo’o sai ona padrões nebe mai husi kooperasaun husi SUCOFINDO. Governo mos sei hadi’a presu de origem hodi nune’e bele hatun sasan folin nebe as los. Ida ne’e, komponente sosial iha ita nia ekonomia mak ladun forsa hodi nune’e maka inflasaun sa’e maka’as. Governo uza esforsu oin-oin hodi hadi’a no sei haka’as na atu iha tinan ne’e nian laran, tuir regras fundamentais nebe maka iha, buat hotu tenki liu husi Câmara de Contas. Kona ba Fundo Capital Humano Governo esforsa an atu hadi’a funsaun publika. Kona ba dividas iha UNTL ne’e reflata instituisaun hotu-hotu atu aprende kona ba implementasaun hodi nune’e ita labele dun malu. Kona ba salário ba “funsionariu mate klamar”, Governo hakoi tiha. Kona ba *uang gampang* ne’e Governo sei kontrola presu origem. Kona ba projektu Greater Sunrise ou Projecto Tasi Mane la paradu, Governo iha ambisaun boot no negosiasaun kontinua la’o nafatin e problema mak Australia hakarak dada ba Darwin no TL hakarak dada mai Timor Leste no ikus Australia hakarak halo *Floating* maibe Governo mantein dada mai Timor Leste. Kona ba obras balu seidak hotu maibe selu ona osan 100%, Governo hato’o buat ne’e lalos, Governo hato’o katak iha tinan ida ne’e sei hadi’a uluk uma laran hodi nune’e maka kria Secretaria do Estado Fortalicimento Institucional.

Ministra Finanças Sra. Emilia Pires koalia kona ba Carry Over katak iha diferença ho uluk tamba orsamentu ne’e la kaduka no ita bele kontinua uza orsamentu ne,e. Kona ba dadus kada ministério bele hare iha Livro 1. Kona ba asuntu fo projetu ba nia kaben, nia hato’o lamentasaun e kuando deputadu sira iha dadus bele entrega ba KAK no Ministerio Público.

Depois Primeiro Ministro ho Ministra das Finanças halo resposta ba Rekomendasaun Parlamento Nasional nian, Presidente fo tempo ba Señor deputadu sira atu halo intervensaun kona ba :

- Kona ba nível pobreza no orsamentu ida que boot ne'e iha impaktu ba nível pobreza;
- Kona ba kontinua lamenta ho inflasaun nebe maka as los iha Timor Leste no la koerente ho estrutura orsamentu;
- Kona ba hasa'e produsaun nebe kada tinan Govern hasa'e toneladas hira, liu-liu aumenta produsaun fos;
- Kona ba redus empregu iha Timor Leste, Governo tenki halo esforsu hodi rezolve problema eliminasaun kiak;
- OGE 2013 ne'e hatudu kompromisu politiku maibe OGE 2013 iha dezekilibriu entre ministériu balun;
- Kona ba Agua e Saneamento nebe hetan deit alokasaun ida que, povu kuaze loron-loron hakilar menus be mos iha fatin-fatin;
- Señor deputadu sira apresia ba intervensaun husi Sr. dep. Mari Alkatiri no aprecia mos ba OGE 2013 nebe prepara husi V Governo hodi muda povu nian vida;
- Kona ba medidas despesas ida que boot maibe família barak moris iha kiak nia okos no Governo seidauk hare ba buat ida ne'e hodi hasa'e povu nian moris;
- Kona ba pagamentu nebe tarde tamba prosesu hotu tenki liu husi verifikasaun husi ADN;
- Kona ba servisu SEFOPE nebe maka hala'o fali servisu ministériu sira seluk nian;
- Kona ba despesa orsamentu nebe akumulativu baseia husi PEDN no OGE 2013 ne'e responde nesesidade povu nian;
- Kona ba estrada sira iha Liquiça nebe komesa at fali mesmu foin maka hadi'a;
- Kona ba aimoruk menus maibe foin dadauk ne'e Ministerio da Saude ba sunu fali aimoruk iha Tasi Tolu;
- Kona ba prosesu tama UNTL nebe estudante sira ho valor 32 bele tama direktamente UNTL maibe na realidade buat ne'e la akontese;
- Deputadu sira husu para Governo labele halo Carry Over no Dividas iha orsamentu ne'e;
- Husu ba Governo atu tau matan ba emprezariu sira nebe kaer projektu hodi nune'e sira bele halo projektu ho qualidade ida que diak;
- Kona ba kilat ba PNTL tamba kilat nebe maka PNTL uza la iha qualidade no husu atu labele sosa kilat husi Indonesia tamba Indonesia ho Timor Leste iha fronteira terrestre hodi wainhira mosu konfruntu ruma iha fronteira ita bele dun malu;
- Kona ba planeamentu de habitasõens ne'e to'o iha nebe ona hodi nune'e bele rezolve problema nebe maka mosu iha área urbana no rural.
- Kona ba bolsa de estudo liu-liu ba mestradu no doutoramentu nebe la dun fo'o prioridade ba Timor oan nebe maka hela iha Timor Leste maibe barak mai husi liur;
- Deputadu sira husu atu hasa'e produsaun rai laran hodi nune'e bele atende povu nian moris;
- Deputadu sira husu atu Governu labele dependente liu ba fundu minarai tamba Timor Leste iha rekursu seluk hanesan Marmore, Café no Pescas;
- Kona ba Programa MDG's, depois Governu inagura Projektuto MDG's iha Batugade-Balibo maibe uma hirak ne'e laiha qualidade tamba loro matan la tama uma laran;
- Deputadu sira husu lista tractores sira nebe maka MAP distribui ona ba povu agricultor no nia produsaun sae hira ona;

Prezidente fo'o tempu ba Primeiro Ministro atu responde pergunta sira nebe maka mai husi Señor deputadu sira. PM hato'o katak Governu esforsa an atu kria receitas domesticas, konstrusaun estado iha Timor Leste diferente ho nasaun seluk tamba nasaun balun avansadu iha dezvoltamentu maibe iha parte demokrasia sira la avansa ba oin hanesan nasaun sira iha Arabia. Ohin dia 6 de Fevereiro maluk sira husi Ministerio do Petróleo no Recurso Minerais to'o iha Londres hodi halo estudo viabilidade ba Projektu Beação nian, Camara de Contas simu ona

prosesu husi Governu kona ba projetu balun nebe la' o dadauk ona ne' e. Receitas husi minarai maka sai kbi' it ba Timor Leste selae ita bele marka passu iha prosesu dezvoltimentu.

Depois ne' e, Presidente fo' o fali tempu ba Minintra das Finanças atu halo intervensaun breve kona ba kestaun teknika. Ministra hato' o katak kona ba dadus rendimentu no despeza ita iha survei nebe maka ita ladun exatu tamba ida ne' e maka Governu labele halo kalkulu ba nível pobreza no 2014 maka Governu iha planu atu halo survei ida que klean kona ba nível pobreza, kona ba PPD tamba saída maka la tahu erata ne' e tamba Governo tenki halo estimasaun.

Depois Primeiru Ministru Kay Rala Xanana Gusmão halo resposta, Prezidente fo tempu Bankada Parlamentar FRETI-MUDANÇA hato' o katak OGE 2013 ne' e preenxe duni kriteriu hodi rezolve povu nia moris no melhoramentu povu nia moris persiza duni tempu no hato' o agradementu ba Señor deputadu sira tamba fo ona kontribuisaun ba diskusaun OGE 2013 ba jeneralidade no fo apoio 100% ba Governu nebe atu lori pipeline Greater Sunrise mai Timor Leste. Bankada Parlamentar PD hato' o katak apresia tebes-tebes diskusaun OGE 2013 tamba durante diskusaun ba jeneralidade OGE 2013 laiha ona koalia kona ba instabilidade no konfliktu maibe koalia barak liu kona ba prosesu ekzekusaun OGE hodi atinje dezvoltimentu, tamba ida ne' e maka ONU nomeia Timor oan ida hodi sai SRSG iha Guné Bissau hodi rezolve problema nebe maka mosu iha Guiné-Bissau. Bankada Parlamentar CNRT hato' o katak OGE 2013 ne' e atu garante makina estadu funsiona diak no OGE nia kna' ar importante ida husi PN no Governu nian no CNRT apresia tebes kontribuisaun señor deputado sira tamba koresponde povu nian necessidade sira no CNRT husu atu halo investimentu boot iha setor agrikultura hodi nune' e diminui dependente ba fundo mina rai no estabese ona sektor edukasaun hodi nune' e ema hotu bele hetan edukasaun diak no estabese Centro Saude iha Sucos no Aldeias hodi nune' e povu bele aseso ba Saude. Bankada Parlamentar FRETILIN hato' o katak iha provas balun hatudu katak iha insusesu iha ekzekusaun orsamentu no FRETILIN iha preokupasaun boot atu hadia sasan sira nebe la los tamba Governo gasta orsamentu la efikas no efisiente no FRETILIN hato' o katak la sukat kapasidade hodi gasta orsamentu ne' e duni persiza garante estadu iha base hodi nune' e bele halo sasan ho nesidade mai husi base no FRETILIN husu atu hare seguransa alimentar hodi garante povu nian moris no investe iha setor kapital umanu, halo politika fiscal ida que diak, halo revizaun ba setor produtivu hodi nune' e bele reforsa orsamentu estadu nian.

Presidente fo' o tempu ba Primeiro Ministro Kay Rala Xanana Gusmão atu halo intervensaun final antes halo votasaun ba jeneralidade. PM Kay Rala Xanana Gusmão hato' o katak hamutuk ita bele lori prosesu dezvoltimentu iha Timor Leste no agradece ba opozisaun nian kontribuisaun durante diskusaun OGE 2013 ba jeneralidade, lori Governo nian naran PM simu idea nebe maka mai husi opozisaun durante diskusaun ba jeneralidade. Primeiro Ministro Gusmão reafirma lori Bloku nian naran atu fo konfiansa ba Sr. dep. Mari Alkatiri nebe estadu hili sai ponte ba nasaun CPLP sira.

Depois Señor deputadu sira halo diskusaun kle' an no naruk ba jeneralidade durante loron tolu, Señor deputadu sira halo votasaun ba jeneralidade ho resultado votasaun : a favor 40, kontra 0 no abstensoens 25. Hodi nune' e Proposta de Lei n. 2/III (1) kona ba "Orsamentu Geral do Estado da República Democratica de Timor Leste 2013," aprova ba generalidade.

Antes atu enserra Plenaria Extraordinaria ba ohin nian, Prezidente fo' o tempu ba Señor deputadu sira atu halo deklarasaun de votos no ikus liu Prezidente enserra Plenaria Extrordinaria no Plenaria Extraordinaria kontinua fali iha Quinta-feira loron 07 fulan Feveiro tinan 2013 oras 09H00.

**Cumprimentos**

**Devisão Relações Publicas, Comunicação e Educação Civica**